

**Formula Absolutionis Communis Observata  
iuxta Ritus S.O.P.**

*Ante Confessionem peccatorum:*

**Si tenéris aliquo vínculo excommunicatiónis, (suspensiónis), et interdícti, a quo possim te absolvere; ego absolvo te, et restítuo te sanctis sacraméntis Ecclésiæ, communióni et unitáti fidélium. In nómine Patris ✠ et Fílii, et Spíritus Sancti. Amen.**

*Confessione facta, post Actum Contritionis vel Confiteor:*

**Misereátur tui omnipotens Deus, et dimíttat tibi ómnia peccáta tua, líberet te ab omni malo, salvet, et confirmet in omni ópere bono, et perdúcat te ad vitam ætérrnam. Amen.**

*Forma essentialis:*

Dóminus noster Iesus Christus, Fílius Dei vivi, per suam piússimam misericórdiam te absolvat: et auctoritáte ipsius, qua fungor, ego absolvo te ab ómnibus peccátiis tuis, ut sis absolutus (-a) hic, et ante tribúnal eiúsdem Dómini nostri Iesu Christi, habeásque vitam ætérnam, et vivas in sæcula sæculórum. In nómine Patris ✠, et Fílii ✠, et Spíritus ✠ Sancti. Amen.

Pássio Dómini nostri Iesu Christi, et mérita beátæ Mariæ semper Vírginis, et beáti Domínici Patris nostri et ómnium Sanctórum, et quidquid boni féceris et inténdis fácere, aut mala quæ sústines et sustinébis, sint tibi in remissiónem peccatórum, in augméntum grátiae et prámium vitæ ætérnae. In nómine Patris ✠, et Fílii, et Spíritus Sancti. Amen.